



ALLAHUMA ASW'LIH LII DIINII ALADHI HUWA I'SW'MATU AMRII

Hadith yaturutse kwa Abu Hurayrat (Imana imwishimire) yaravuze ati: Intumwa y'Imana (Imana iyihe amahoro n'imigisha) yaravuze iti: ALLAHUMA ASW'LIH LII DIINII ALADHI HUWA I'SW'MATU AMRII, WA ASW'LIH DUNIYAYA ALATII FIIHA MA'ASHII, WA ASW'LIH AKHIRATII ALATII ILAYHA MA'ADII, WAJ'ALIL HAYATA ZIYADATAN LII FII KULI KHAYRI, WAJ'AL AL MAWUTA RAHATAN LII MIN KULI SHARI: Mana Nyagasani! Ntunganyiriza idini ryanjye ryo shingiro ry'ibyanjye byose, unantunganyirize isi yanjye, ho ubuzima bwanjye buri, unantunganyirize imperuka yanjye kuko ariho nzasubira. Kandi Mana unanyongerere kubaho nkora ibyiza, unagire gupfa kwanjye umunezero no kuruhuka ikibi icyo ari cyo cyose."

[Hadithi y'impamo] [Yakiriwe na Muslim]

Intumwa y'Imana (Imana iyihe amahoro n'imigisha) yasabye ubusabe bukubiyemo imisingi y'imico myiza yoherejwe kugira ngo yuzuze, ariyo yo gutungana kw'imyemerere n'isi ndetse n'imperuka. Muri iyi mvugo ngufi niho hakubiyemo ibyo bintu bitatu, yahereye ku idini kuko niryo umuntu atunganirwamo n'isi ndetse n'imperuka iravuga iti: (Mana Nyagasani! Ntunganyiriza idini ryanjye); unshoboze kuryubahiriza nk'uko bikwiye mu buryo bwuzuye kandi butunganye. (ryo shingiro ry'ibyanjye byose), rindindira ibyanjye byose, kuko iyo idini ryangiritse n'ibyanjye byose birangirika. Nkaba mbye umunyagihombo, kandi idini ntiryatungana cyereka n'isi itunganye. Nuko aravuga ati: (unantunganyirize isi yanjye) umpe ubuzima bwiza n'umutekano ndetse n'amafunguro, n'umugore mwiza, ndetse n'urubyaro rwiza nkeneye; kandi byose bikabamu buryo buziruye, bunafasha kukumvira. Hanyuma avugamo n'impamvu abivuze muri ubwo busabe ko: Ariho hari imibereho yanjye no kubaho kwanjye. unantunganyirize imperuka yanjye kuko ariho nzasubira, ubwo nzaba nje guhura nawe, unshoboze gutunganya ibikorwa, Allah ashoboze n'umugaragu we gukora amasengesho no kuyamwegurira, ndetse n'iherezo ryiza. Intumwa y'Imana (Imana iyihe amahoro n'imigisha) yaravuze imperuka nyuma yo kuvuga isi, kubera ko aha mbere niho hazatuma aha nyuma hatungana. Bityo uwo isi ye itunganye nkuko Allah abishaka, nawe imperuka ye iratungana kandi akagira umunezero muri yo. Kandi Mana unanyongerere kubaho nkore ibyiza, unagire gupfa kwanjye umunezero no kuruhuka ikibi icyo ari cyo cyose, n'ibigerageze n'ingorane; no gutandukana n'ingorane z'isi.

النجاة الخيرية
ALNAJAT CHARITY

